



VAL

Stortings- og sametingsvalet 2021

Litt som tidlegare, og litt nytt på grunn av Korona.

Valstyret i Austrheim

Viktige datoar for valet

- Det er fylkesvalstyret som godkjenner vallistene, så desse treng ikkje valstyret her i Austrheim gjera vedtak om.
- 30. juni er skjæringsdato for manntalet, det betyr at du vert manntalsført i den kommunen som du er folkeregistrert i per 30. juni. Så snart utleggingsmanntalet er klart, skal det leggest ut (på Servicekontoret), seinast 12. juli.
- 30. juni er seinaste frist for å kunngjera tid og stad for tidlegrøystegjeving. Dette er ei røyst som er avlagt før den ordinære førehandsrøysteperioden.
- Tidlegrøysteperioden startar 1. juli og varer til 9. august.
- 30. juni er seinaste frist for å kunngjera tid og stad for førehandsrøysting.
- Førehandsrøysting er mogleg frå tysdag 10. august og fram til og med fredag 10. september.
- Fredag 10. september klokka 10.00 er fristen for å søka om å få stemma heime, på grunn av mellom anna sjukdom, Korona-karantene med meir. Dette skal skje fredag eller i løpet av helga.
- Måndag 13. september klokka 10.00 er fristen for å søka om å få stemma heime på valdagen, på grunn av mellom anna sjukdom, Korona-karantene med meir. Dette skal skje i løpet av valdagen.
- Måndag 13. september klokka 14.00 opnar vallokala, dei må stenga seinast 21.00
- 14. september klokka 17.00: Frist for godkjenning av førehandsrøyster motteke i konvolutt.

Kva om Koronaen bryt ut?

- Kommunen oppmodar flest mogleg til å førehandsrøysta, 10. august til 10. september.
- Førehandsrøystinga vert i utgangspunktet på Servicekontoret. Dersom smittenivået tilseier at me ikkje bør ha det på kommunehuset, må me flytta det til Austrheimhallen.
- For valavviklinga 13. september legg me opp til avstand – handsprit til alle – spriting av kontaktpunkt etter eigen plan. Brukar meir plass enn ved tidlegare val.
- Alle skal kunna gjennomføra valhandlinga på mindre enn eit kvarter (ved lengre ventetid skal dette skje utandørs og med god avstand).
- Det er innført fleire mellombelse lovendringar knytt til pandemien og valet. Dette gjeld mellom anna heimerøysting for dei som er i karantene eller isolasjon.
- Om eit røystelokale må stengast på grunn av Korona, er det valstyret som må opna eit nytt som erstatning. I år er det mogleg å ha røystelokale utanfor røystekrinsen, og det naturlege er at ein opnar Kaland for å dekkja også for Austrheimhallen, og omvendt. Slik er ein sikra å ha folk til å ta jobben også, og ikkje berre eit røystelokale.

Digital informasjon kring valet

- Austrheim kommune informerer om valet via nettsida, Facebook og annonser på kommunesida vår i Strilen.
- Digitale valkort – i år får dei alle fleste veljarane tilsendt digitale valkort (med unntak av dei som har reservert seg, eller ikkje er aktive brukarar av digital informasjon)
- Valglokaler.no – før 1. juli er denne nettsida ute med informasjon om kvar og når ein kan røysta, både i den ordinære førehandsrøysteperioden og på valdagen.
- Valg.no - Valgdirektoratet er i mai klar med ny utgåve av denne nettsida.